

08 JUN 2000

DR MAHATHIR JUMPA PERDANA MENTERI JEPUN

Oleh: Ghazemy Mahmud

TOKYO, 8 Jun (Bernama) -- Perdana Menteri Datuk Seri Dr Mahathir Mohamad yang berada di sini untuk lawatan kerja, hari ini mengunjungi Perdana Menteri Jepun Yoshiro Mori.

Dalam pertemuan selama setengah jam itu, Dr Mahathir dan rakan sejawatannya membincangkan perkara berhubung kepentingan dua hala dan isu-isu antarabangsa seperti globalisasi, menurut para pegawai Wisma Putra.

Dr Mahathir sebelum itu mengadakan pertemuan dengan Presiden Indonesia Abdurrahman Wahid di Hotel Imperial di sini bagi membincangkan perkara-perkara dua hala.

Para pemimpin Asean adalah di antara ramai pemimpin dunia dan ribuan wakil negara yang menghadiri pengkebumian mendiang perdana menteri Jepun Keizo Obuchi yang diadakan di sini awal hari ini.

-- BERNAMA

GM RON